



**REPABOLEKI YA AFORIKA BORWA
LETLOLE LA PHENŠENE YA BATHAPIWA BA PUSO**

1 Lwetse 2011

Mophenšenara yo o rategang,

Go Emisetsa Ditifikeiti Tsa Botshelo ka tsamaiso ya Netefatso ya Botshelo kgotsa Auto-Life Verification (ALV) go simolola ka 1 Diphilane 2011

Boto ya Batlhokomedi ba Letlole la Phenšene ya Bathapiwa ba Puso kgotsa (Government Employees Pension Fund's [GEPF]) e dumalane le ntlha ya gore go ntshiwa ga Ditifikeiti Tsa Botshelo ka seatla di bo di newa baphenšenara ba ba nnang mo Aforika Borwa go emisediwe ka tlabololo ya seotometiki ya boemo jwa botshelo go simolola ka 1 Diphilane 2011. Seno se dumalana le maikemisetso a GEPF a go tlhomamisa gore madi a ditshiamelo a duelwa ka nako le kwa ntle ga bothata bope.

Tsamaiso eno e ntšha e tla bidiwa Auto-Life Verification mme e tla netefatsa boemo jwa botshelo jwa mophenšenara tumalanong le Lefapha la Merero ya Selegae la Aforika Borwa kgotsa South African Department of Home Affairs (DHA). Baphenšenara ba ba nang le buka ya boitshupo ya Aforika Borwa e e amogelesegang ba gape e leng banni ba leruri ba Aforika Borwa ga ba kitla ba tlhola ba amogela Setifikeiti sa Botshelo go tswa kwa GEPF. Seno se raya gore baphenšenara bano ga go kitla go lebelelwa gore ba ye go itlhagisa kwa go Mokomišinare wa Maikano go ya go netefatsa gore ba sa ntse ba tshela gore ba kgone go tswela pele ba amogela phenšene kgwedi le kgwedi.

Baphenšenara ba ba nnang kwa ntle ga meelwane ya Aforika Borwa, le bao boemo jwa bone bo sa kgoneng go netefadiwa kwa Lefapha la Merero ya Selegae ba tla newa foromo e ntsha ya Life Verification e e tla tlhokwang go tladiwa le go bewa setempe ke Mokomišinare wa Maikano sa gore ke ya boammaaruri go ya ka thulaganyo ya ga jaanong ya Setifikeiti sa Botshelo. Baphenšenara botlhe ba ba amogelang foromo e ntšha ya Netefatso ya Botshelo ba tla amogela foromo e le nngwe fela ka ngwaga, go sa kgathalasege palo ya ditshiamelo tse ba di amogelang.

Ditifikeiti Tsotlhe Tsa Botshelo tse di ntshitsweng le go amogelwa ke baphenšenara pele ga 1 Diphilane 2011 (pele ga go simololwa ka tsamaiso e ntšha ya ALV) di santse di tla tshwanelwa ke gore di busediwe kwa GEPF gore di ye go simolodisiwa go dira le gore ba tswela pele ba amogela dituelo tsa bone tsa phenšene pele ga letlha le le supilweng mo Setifikeiting sepe fela sa Botshelo. Go sa dire jalo go ka nna ga felela ka gore dituelo tsa gago tsa phenšene di kgaodiwe ka lobakanyana.

Fa o na le dipotso dipe, tsweetswee leletsa lefelo la go bona thuso ka mogala la GEPF mo nomoreng ya 0800 117 669 kgotsa o ye kwa ofising e e gaufi le wena ya GEPF.

Salang Sentle,

Phineas Tjie

Motlhankedikhuduthamaga-Mogolo

Setlamo sa Tsamaiso ya Diphenshene Tsa Puso kgotsa Government Pensions Administration Agency (GPAA)

(Go dira tiro ya botsamaisi jwa diphenshene mo boemong jwa GEPF)